

大明集禮
卷二

儀仗二

芸

74
6292
32




大明集禮卷四十三

儀仗

按格物論虎山獸之君狀如猫而大如黄牛
黑文鈎爪鋸牙兩脇及尾端皆有骨如乙字
長一二寸許即其威也橫行安尾吼聲如雷
百獸為之震恐風從而生豹毛赤黃色其文
黑如錢而中空比比相次又有玄豹猛健不
減於虎又按楚詞云虎豹九關注謂天門九
重虎豹守之蓋假借以言其嚴密之至也

去五味均平藏



74
6292
32

天子清禁上法紫宮故門闕必陳虎豹者所以象上帝之居也元制每大朝會則陳虎豹於日精月華門外

國朝正至

聖節朝會及冊拜接見蕃臣則以虎二豹二各用闌檻承之分左右陳于奉天門外

虎



豹




馴象

按說文云象長鼻牙南粵之大獸三歲一乳
又范至能志書云象出交趾山谷間有兩長
牙頭不可俯頸不可回口隱於頭去地尚遠
運動以鼻為用足如柱無趾而有爪甲形如
栗登山下峻坂涉水甚捷又晉輿服志云武
帝太康中南越獻馴象詔作大車駕之以載
黃門鼓吹數十人使越人騎之正旦大會駕
象入庭唐開元中畜巨象於閑廐供陳設儀

仗宋制鹵簿象六中道分左右並木蓮花坐
金蕉盤紫羅繡襜絡腦當胸後鞅並設銅鈴
杏葉紅輦牛尾拂跋塵駕出則先導朝會則
充庭

今制每大朝會以馴象六分左右陳于
奉天門外



仗馬

漢長樂宮朝儀陳車騎於庭唐有立仗馬宋則以御馬十疋分左右陳于門外元大朝會設仗馬於內仗之南

今制以馬六疋鞍勒全左右各三疋陳于文武樓南東西相向




五輅

玉輅青質玉飾諸末金輅赤質金飾諸末象
 輅黃質象飾諸末革輅白質鞅以革木輅黑
 質漆之無飾按周官典輅掌王之五路與輅
 大賓客則出路注謂如漢朝集使上計法則
 陳屬車於庭然則國有大朝會而陳車輅者
 自周而已然矣漢每大朝會必陳乘輿法物
 車輦於庭謂之充庭車唐天子鸞輅五等屬
 車十二乘行幸則分前後施於鹵簿之內大

陳設則分左右施於儀仗之中宋大朝會冊
命設五輅於大慶殿前


國朝參酌前代五輅大朝會則陳於殿庭其
制度之詳並見車輅篇

玉輅




集禮卷四三六


金輅




集禮卷三三七




象輅




集禮卷四三八




革輅




集禮卷三九




木輅




集禮卷四十三






皂纛

唐六典云後魏有纛頭每天子行幸大軍征
 伐則建於旗上蓋即古旄頭之遺制也旄頭
 者按魏文帝列異傳曰秦文公時梓化為牛
 以騎擊之不勝或墜地髻解髮散牛畏之入
 水故秦因此置旄頭騎使先驅宋天聖鹵簿
 圖云纛即皂旗其制黑質黑火焰脚揭以朱
 槍竿竿首設纛元則建纓於竿首而不設旗
 今制用旄牛尾如巨斗大建朱槍竿上



大豹尾

通考載秦漢駕後一乘垂豹尾崔豹曰豹尾
 周制以象君子豹變尾言謙也古者軍正建
 之唐宋皆有豹尾車元有豹尾竿
 今制以朱漆槍竿懸紅絲拂垂豹尾



龍旗

周官司常掌九旗有交龍為旂觀禮曰天子


載大旂升龍降龍司馬法又曰旗章周以龍

尚文也**漢**制龍旂九旂七仞仞尺也古者以尺為仞**宋**

天聖鹵簿圖記有龍旗十二

今制因之皆為青質黃欄赤火焰間絲脚繪

金龍于中揭以朱漆槍竿飾以纓



北斗旗

禮記曲禮招搖在上急繕音勁其怒鄭氏註招

搖星在北斗杓端主指者畫招搖星於旌旗

上以起勁軍之威怒象天帝也疏曰並作七


星而獨云招搖者舉指者為主也穆天子傳

建日月七星旗蓋畫北斗七星也宋有北斗

旗一


元制北斗旗黑質赤火焰脚畫七星

今制黑質黑火焰間綠脚中塗金為七星像



門旗


周禮天官掌舍職曰帷宮設旌門春官司常
 職曰會同賓客置旌門至漢謂之牙旗故**唐**
 鹵簿內大戟隊後置牙門一次牙門左右廂
 各開五門**宋**制牙門旗赤質錯綵為神人像
元制四旗赤質赤火焰脚繪神人冠武士冠
 鎧甲柄襜束帶大口袴執戈戟
今制門旗四皆赤質黃欄赤火焰間綵脚中
 塗金為門字揭以朱漆槍竿



日旗月旗



周官司常掌九旗之物名其一曰日月為常
 左氏曰三辰旂旗昭其明也按揚子太玄經
 曰日以煜乎晝月以煜乎夜登日月於旗以
 象天也宋太祖始置日月旗各一天聖鹵簿
 圖日旗赤質畫日中以雞月旗青質畫月中
 以免元制日旗一青質赤火焰脚繪日于上
 月旗一青質赤火焰脚繪月于上
 今制日旗月旗各一俱青質黃欄赤火焰間


綵脚繪日以赤繪月以白



青龍白虎朱雀玄武旗

曲禮行前朱雀而後玄武左青龍而右白虎
 義疏曰四者四方宿名也蓋古者君行師從
 故畫此四者於旌旗以為前後左右之兵陳
 也唐制四旗在鹵簿中宋朱雀旗赤質赤火
 焰脚繪朱雀玄武旗黑質黑火焰脚繪龜蛇
 青龍旗青質赤火焰脚繪龍白虎旗白質
 赤火焰脚繪蹲虎元同宋制
 今制與宋同






大日如来

卷四三

六



大日如来


卷四三

六

風雲雷雨旗

按韓子曰黃帝合鬼神於泰山風伯進掃雨師洒路至宋御殿儀仗制風伯兩師雷公電母旗各一以錯繡為之元因之制風兩雷電四旗旗皆青質俱畫神人狀各詭異

今制旗四曰風雲雷雨去電不設旗皆青質黃欄赤火焰間綵脚風畫箕星雨畫畢星雲畫雲氣雷畫雷文




大正三年三月

三月三日

三月三日



大正三年三月三日



大正三年三月

三月三日

三月三日




四瀆旗

按爾雅曰江河淮濟為四瀆者發源注海者也白虎通曰謂之瀆者何瀆者濁也中國始獨發源東注于海其功著大故稱瀆也宋制四旗江瀆旗赤質青火焰脚繪神人冠七梁冠青欄朱袍跨赤龍河瀆旗黑質赤火焰脚繪神人冠七梁冠皂欄黃袍跨青龍淮瀆旗素質赤火焰脚繪神人冠七梁冠皂欄素袍乘青鯉濟瀆旗青質赤火焰脚繪神人冠七

梁冠皂欄青袍乘一鼈

今制江旗赤質河旗白質淮旗青質濟旗黑質俱黃欄赤火焰間綵脚中繪水形




五嶽旗

按鄭康成周禮註五嶽東曰岱宗南曰衡山
西曰華山北曰恒山中曰嵩高山宋東嶽旗
青質赤火焰脚繪神人冠七梁冠皂欄青袍
黃裳白中單素蔽膝執圭南嶽旗赤質赤火
焰脚繪神人冠七梁冠黑欄緋袍黃裳黃中
單朱蔽膝執圭中嶽旗黃質赤火焰脚繪神
人冠七梁冠皂欄黃袍黃裳白中單朱蔽膝
執圭西嶽旗白質赤火焰脚繪神人冠七梁

冠青欄白袍黃裳白中單素蔽膝執圭北嶽
旗黑質赤火焰脚繪神人冠七梁冠紅欄皂
袍黃裳白中單素蔽膝執圭元因宋制惟神
人裳色不同

今制東嶽旗青質南嶽旗赤質中嶽旗黃質
西嶽旗白質北嶽旗黑質俱黃欄赤火焰間
綵脚中繪山形




五星旗


按考靈耀曰歲星木精熒惑火精鎮星土精
 太白金精辰星水精宇文周太常旗畫日月
 五星宋制五旗俱青質黃欄赤火焰脚各繪
 神人服隨方色元制五旗金星旗素質赤火
 焰脚畫神人冠五梁冠素衣皂欄朱裳秉圭
 水星旗黑質赤火焰脚畫神人冠五梁冠皂
 衣皂欄綠裳秉圭木星旗青質赤火焰脚畫
 神人冠五梁冠青衣皂欄朱裳秉圭火星旗

大輿集禮 卷之三 二十五

赤質青火焰脚畫神人冠五梁冠朱衣皂襪
 綠裳秉圭土星旗黃質赤火焰脚畫神人冠
 五梁冠黃衣皂襪綠裳秉圭

今制木星旗青質火星旗赤質土星旗黃質
 金星旗白質水星旗黑質俱黃襪赤火焰間
 絲脚中以金塗星形一





天祿旗


按顧野王符瑞圖曰天鹿者純靈之獸也五

色光耀洞明一角長尾宋制天鹿旗赤質黃

欄青火焰脚中繪天鹿獸白身綠尾一角白

今制與宋同






天馬旗

按前漢禮樂志天馬騾龍之媒武帝元狩四年馬生渥洼水中作天馬歌宋制天馬旗赤質黃欄赤火焰脚中繪馬形兩肉翼

今制與宋同


天馬集禮 卷五十三 二十八



白澤旗

按顧野王符瑞圖曰澤獸者一名白澤能言語達萬物之精神王者明照幽遠則至黃帝巡狩至於東海澤獸出言以戒于民為時除害唐六典武庫令有白澤旗宋制旗二赤質繪白澤形龍首綠髮戴角四足為飛走狀元制赤質黃欄赤火焰脚繪獸虎首朱髮而有角龍身

今制同宋






熊旗羆旗

按格物論云熊大似豕而性輕健山居能攀緣上高樹見人則顛倒投地而下羆似熊黃白紋長頭高脚猛憨多力又按周禮冬官軛人云熊旗六苻以象伐也注熊虎為旗師都之所建也伐星屬白虎宿與參連體六星漢因制熊旗唐有赤熊旗宋有黃熊旗皆未制羆旗

今制熊羆旗各一赤質黃欄赤火焰間綵脚

熊旗繪熊罴旗繪罴






鸞旗

按顧野王符瑞圖曰鸞鳥者赤神之精鳳凰
 之佐也其狀如翟而五采鳴中五音人君進
 退有度親踈有序則至**漢**有鸞旗師古注曰
 鸞旗編以羽毛列繫幢傍載於車上**唐**亦有
 鸞旗**宋**制鸞旗二赤質青火焰脚繪鸞形**元**
 因宋制


今制赤質黃欄赤火焰間綵脚餘同



麟旗

按顧野王符瑞圖曰麒麟仁獸也亦曰木之精也毛虫三百六十有六而麟為之長其狀麕身羊頭牛尾一角角端有肉音中律呂步中規矩不踐生虫不折生草不食不義不飲污池**唐**開元禮義羅曰高祖時麟見苑囿改元麟德制麟旗**宋**麟旗二赤質青火焰脚中圖麟形**元**與宋同

今制赤質黃欄赤火焰間綵脚繪麟于上




角宿旗

按史記天官書曰東宮蒼龍大角者天王帝
 廷**晉**書天文志曰角二星主造化萬物布君
 之威信謂之天闕其間天門也其內天廷也
 故黃道經其中七曜之所行也**宋**角宿旗青
 質赤火焰脚畫神人為女子形露髮朱袍黑
 欄立雲氣中持蓮荷**元**制青質青火焰脚繪
 二星下繪蛟


今制青質黃欄赤火焰間綵脚中塗金為角

宿二



亢宿旗

按史記天官書曰亢為䟽廟晉書天文志曰
 亢四星天子之內朝宋亢星旗青質赤火焰
 脚畫神人冠五梁冠朱袍皂襪皂帶黃裳持
 黑等子元制青質青火焰脚繪四星下繪龍
 今制青質黃襪赤火焰間綵脚中塗金為亢
 宿四



氏宿旗

按史記天官書曰氏為天根晉書天文志曰

氏四星王者之宿宮后妃之府也宋氏宿旗


青質赤火焰脚畫神人冠小冠衣金甲朱衣

包肚朱擁項白袴右手仗劍乘一鼈元制青

質青火焰脚繪四星下繪貉

今制青質黃欄赤火焰間綵脚中塗金為氏


宿四



房宿星

按史記天官書曰房為天駟晉書天文志曰
 房四星為明堂天子布政之宮也宋房宿旗
 青質赤火焰脚畫神人烏巾白中單碧袍黑
 欄朱蔽膝白帶黃裙朱舄右手仗劍元制青
 質青火焰脚繪四星下繪兔


今制青質黃欄赤火焰間綵脚中塗金為房
 宿六



心宿旗

按史記天官書曰心為明堂大星天王前後
 子屬不欲直**晉書**天文志曰心三星天王正
 位也**宋**心宿旗青質赤火焰脚畫神人冠五
 梁冠朱袍皂襪左手持杖**元**制青質青火焰
 脚繪三星下繪狐


今制青質黃襪赤火焰間綵脚中塗金為心
 宿三



尾宿旗


按史記天官書曰尾為九子曰君臣晉書天
 文志曰尾九星後宮之場旁一星名曰神宮
 解衣之內室宋尾宿旗青質赤火焰脚畫神
 人冠束髮冠素中單黃袍朱裳青帶纁裳赤
 烏右手仗劍左手持弓元制青質青火焰脚
 上繪九星下繪虎

今制青質黃欄赤火焰間綵脚中塗金為尾
 宿九又神宮小星一在旁




箕宿旗

按史記天官書曰箕為教客**晉**天文志曰箕四星亦為後宮后妃之府亦曰天津一曰天箕主八風**宋**箕宿旗青質赤火焰脚畫神人冠金梁冠衣淺朱袍皂襪伏劔乘白馬於火中**元**制青質青火焰脚繪四星下繪豹**今**制青質黃襪赤火焰間綵脚中塗金為箕宿四



斗宿旗


按史記天官書曰北宮玄武南斗為廟晉書
 天文志南斗六星為丞相太宰之位酌量政
 事之宜褒進賢良稟授爵祿宋斗宿旗青質
 赤火焰脚畫神人被髮黃腰裙朱帶右手持
 杖元制黑質黑火焰脚上繪六星下繪鱗
 今制青質黃欄赤火焰間綵脚中塗金為斗
 宿六



牛宿旗

按史記天官書曰牽牛為犧牲**晉**天文志曰牽牛六星天之關梁星明大則王道昌**宋**牛宿旗青質赤火焰脚畫神人牛首皂襪紅袍黃裳朱烏立雲氣中**元**制黑質黑火焰脚上繪六星下繪牛


今制青質黃襪赤火焰間綠脚中塗金為牛宿六



女宿旗

按晉書天文志須女四星天少府也謂之須女者須賤妾之稱婦職之卑者也主布帛裁製嫁娶星明天下豐女功昌宋女宿旗青質赤火焰脚畫神人烏牛首衣朱服皂襪素帶烏鞞右手持蓮立雲氣中元制黑質黑火焰脚上繪四星下繪龜


今制青質黃襪赤火焰間綠脚中塗金為女宿四



虛宿旗

按晉天文志曰虛二星冢宰之官也主邑居
 廟堂祭祀祝禱之事明靜則天下安宋虛宿
 旗青質赤火焰脚畫神人被髮裸形坐於甕
 中左手持一珠元制黑質黑火焰脚上繪二
 星下繪鼠

今制青質黃欄赤火焰間綵脚中塗金為虛
 宿二



危宿旗

按史記天官書曰危為蓋屋**晉**天文志曰危

三星主天府天市架屋甘氏云為天市廟堂

宋危宿旗青質赤火焰脚畫神人虎首金甲


衣朱服貔皮汗膊青帶藍包肚烏鞞右手仗

劍立雲氣中**元**制黑質黑火焰脚上繪三星

下繪燕


今制青質黃欄赤火焰間綵脚中塗金為危

宿三又墳墓四小星在旁




室宿旗

詩定之方中注曰定營室星也史記天官書
 曰營室為清廟亦曰離宮晉天文志營室二
 星天子之宮也為軍糧之府及土功事宋室
 宿旗青質赤火焰脚畫神人了髮朱服乘舟
 水中元制黑質黑火焰脚上繪二星下繪猪
 今制青質黃欄赤火焰間綠脚中塗金為室
 宿二又離宮六星在旁




壁宿旗

按晉天文志曰東壁二星主文章天下圖書
 祕府也星明王者興道術行國多君子宋壁
 宿旗青質赤火焰脚繪神人為女子形丫髮
 朱服皂襴綠帶黃裳烏舄左手指前右手仗
 劍立雲中元制黑質黑火焰脚上繪二星下
 繪猢猻
 今制青質黃襴赤火焰間綠脚中塗金為壁
 宿二



奎宿旗


按史記天官書奎曰封豕為溝瀆晉天文志
 曰奎十六星天之武庫一曰封豕主禁暴宋
 奎宿旗青質赤火焰脚繪神人狼首朱服金
 甲綠包肚白汗膊黑帶烏鞞右手仗劍元制
 素質素火焰脚上繪十六星下繪狼
 今制青質黃欄赤火焰間綠脚中塗金為奎
 宿十六



婁宿旗

按史記天官書曰婁為聚眾晉天文志曰婁三星為天獄主苑牧犧牲供給郊祀亦為興兵聚眾宋婁宿旗青質赤火焰脚繪神人戴金梁冠素中單淺黑袍皂欄朱蔽膝青帶黃裳朱舄左手持烏牛角右手仗劍元制素質素火焰脚上繪三星下繪狗


今制青質黃欄赤火焰間綵脚中塗金為婁宿三



胃宿旗

按史記天官書曰胃為天倉晉天文志曰胃三星天之厨藏五穀之倉也又名大梁明則四時和平天下晏然倉廩實宋胃宿旗青質赤火焰脚繪神人丫髮披豹皮淺紅裙青帶跣足左手指前右手仗劔立雲氣中元制素質素火焰脚上繪三星下繪雉

今制青質黃欄赤火焰間綵脚中塗金為胃宿三




昴宿旗

按史記天官書曰昴名旄頭**晉**天文志曰昴
 七星天之耳目也主西方獄事又為旄頭胡
 星也甘氏云昴星明大則君無佞臣天下安
 和張衡云昴星明獄訟平**宋**昴宿旗青質赤
 火焰繪神人牛首朱服皂襪黃裳青帶朱舄
 左手拳右手持青如意**元**制素質素火焰脚
 上繪七星下繪雞

今制青質黃襪赤火焰間綵脚中塗金為昴

宿七




畢宿旗

按爾雅曰濁謂之畢郭璞注曰掩兔之畢或呼為濁因星形以名也**晉**天文志曰畢八星主邊兵主弋獵星明大則遠夷來貢天下安甘氏云畢主街巷陰雨天之雨師也**宋**畢宿旗青質赤火焰脚繪神人作鬼形著朱毘持黑杖乘馬行雲氣中**元**制素質素火焰脚上繪八星下繪烏

今制青質黃欄赤火焰間綠脚中塗金為畢

宿八附耳一星在旁



觜宿星

按史記天官書曰三小星隅置曰觜觿為虎

首主葆旅事晉灼曰葆築也野生曰旅張隋

志云觜觿為三軍之候行軍之藏府主葆旅

收斂萬物明則軍儲盈將得勢宋觜宿旗青


質赤火焰脚繪神人冠緇布冠朱服皂襪黃

裳拱手坐雲氣中元制素質素火焰脚上繪

三星下繪猴

今制青質黃襪赤火焰間綵脚中塗金為觜


宿三



參宿旗

按前漢天文志曰參為白虎甘氏曰參為忠良孝謹之子明大則臣忠子孝一曰參伐一曰大辰一曰天市一曰鈇鉞主斬刈又為天獄主殺伐又主權衡所以平理也宋參宿旗青質赤火焰脚繪神人被髮衣紫欄黃袍綠裳青帶朱鳥左手指空右手持珠椎立雲氣中元制素質素火焰脚上繪十星下繪猿今制青質黃欄赤火焰間綠脚中塗金為參

宿十又玉井四小星在左足下




井宿旗

按漢天文志曰南官朱鳥東井為水事晉天文志曰東井八星天之南門黃道所經天之亭候主水衡事法令之所取平也王者用法平則井星明而端列鉞一星附井之前宋井宿旗青質赤火焰脚繪神人了髮朱袍皂襪坐雲氣中右手持紅蓮元制赤質赤火焰脚上繪八星下繪斡

今制青質黃襪赤火焰間綵脚中塗金為井


宿八又鉞一星在旁



鬼宿旗


按史記天官書曰輿鬼主祀事**晉**天文志曰
 鬼五星天目也主視明察奸謀星明大則穀
 成**宋**鬼宿旗青質赤火焰脚繪神人作女子
 形首飾金釵朱袍皂襪青帶黃裳烏烏左手
 持杖立雲氣中**元**制赤質赤火焰脚上繪五
 星下繪羊

今制青質黃襪赤火焰間絲脚中塗金為鬼
 宿五



柳宿旗

按張衡云柳為朱雀之喙天之厨宰也主尚
 食和滋味隋志云又主雷雨樂計圖澄曰柳
 主材木宋柳宿旗青質赤火焰脚繪神人作
 女子形露髻朱衣黑欄黃裳皂舄撫一青龍
 元制赤質赤火焰脚上繪八星下繪麀
 今制青質黃欄赤火焰間絲脚中塗金為柳
 宿八




星宿旗

按甘氏曰星七星主后妃御女之位亦為賢士明大則道化成國盛又張衡云七星為朱鳥之頸一名天都主衣裳文繡隋志云星明則王道昌宋星宿旗青質赤火焰脚繪神人冠五梁冠淺朱袍綠欄青帶黃裳朱鳥立雲氣中兩手各持金銅絲二條元制赤質赤火焰脚上繪七星下繪馬

今制青質黃欄赤火焰間綵脚中塗金為星

宿七



張宿旗

按甘氏云張宿主天廟明堂御史之位若

大則國盛強隋志云主珍寶宗廟所用及

服又主天厨飲食賞賚之事星明則王者


五禮得天之中宋張宿旗青質赤火焰脚繪

神人衣豹皮朱帶素鞞右手仗劍坐雲氣中

元制赤質赤火焰脚上繪六星下繪鹿

今制青質黃欄赤火焰脚中塗金為張


宿六



翼宿旗

按史記天官書曰翼為羽翮主遠客隋志云
 翼為天之樂府主俳倡戲樂又主夷狄遠客
 負海之賓明大則禮樂興四夷來賓動則蠻
 夷使來宋翼宿旗青質赤火焰脚繪神人作
 女子形首飾金釵假髻白中單皂袍碧欄赤
 殺膝紫裳赤烏左手指前右手仗劍立於火
 中元制赤質赤火焰脚上繪二十二星下繪
 蛇今制青質黃欄赤火焰間絲脚中塗金為

翼宿二十二




軫宿旗

按史記天官書曰軫為車主風張衡云軫為
 冢宰輔臣主車騎明大則車騎用隋志云主
 任載明則車駕備轄星附軫兩旁主王侯左
 轄為王者同姓右轄為異姓長沙一星在軫
 之中宋軫宿旗青質赤火焰脚繪神人作女
 子形金釵假髻朱袍皂欄青帶黃裳赤鳥左
 手持書立雲氣中

今制青質黃欄赤火焰間綵脚中塗金為軫

宿四長沙一星在中左右轄二星在旁



大明集禮卷四十三

